## **Узбекистон Республикаси номидан ХАЛ КИЛУВ КАРОРИ**

Ғаллаорол тумани

2024 йил 12 январь

Ғаллаорол туманлараро иқтисодий суди раиси-судья Ш.Қодиров раислигида, судья ёрдамчиси Э.Мамаражаповнинг котиблигида, даъвогар вакили О.Қулдошев (2024 йил 12 январдаги 156-сонли ишончнома асосида) иштирокида, даъвогар "JIZZAX FV AGROKLASTER" масъулияти чекланган жамияти манфаатида Ўзбекистон Савдо-саноат палатаси Жиззах вилоят худудий бошқармасининг жавобгар "КЎЧМА АРИҚ" фермер хўжалигидан 23.381.532 сўм қарздорлик ундириш тўғрисидаги даъво аризаси бўйича ишни Ғаллаорол туманлараро иқтисодий суди биносида бўладиган очиқ суд мажлисида кўриб чиқиб, қуйидагиларни

## аниқлади:

Ўзбекистон Савдо-саноат палатаси Жиззах вилоят худудий бошқармаси "JIZZAX FV AGROKLASTER" масъулияти чекланган жамияти манфаатида жавобгар "КЎЧМА АРИҚ" фермер хўжалигига нисбатан Ғаллаорол туманлараро иқтисодий судига даъво ариза билан мурожаат қилиб 23.381.532 сўм қарздорлик суммасини ундириб беришни сўраган.

Суд мажлисда иштирок этган жамият вакили фермер хўжалиги томонидан бугунги кунда қисман тўлов амалга оширилганлигини кўрсатиб, қолган 19 504 550 сўмни ундириб беришни сўради

Фермер хўжалиги вакили суд мажлисига келмади.

Суд иш хужжатлари билан танишиб чиқиб, даъвогар вакилини тинглаб қўйидагиларга кўра даъво талабини қисман қаноатлантиришни лозим топади.

Иш хужжатларидан кўринишича "JIZZAX FV AGROKLASTER" масъулияти чекланган жамияти ва "КЎЧМА АРИҚ" фермер хўжалиги ўртасида 2023 йил 15 февраль куни F/15-сонли "Қишлоқ хўжалик маҳсулотлари харид қилиш бўйича" контрактация шартномаси тузилган.

Шартномага асосан, "JIZZAX FV AGROKLASTER" масъулияти чекланган жамияти томонидан "КЎЧМА АРИҚ" фермер хўжалигига бунак хисобига 23.381.532 сўмлик маҳсулотлар берилган.

Бироқ, етказиб берилган ушбу махсулотлар қиймати бугунги кунга қадар фермер хўжалиги томонидан қопланмаган ва у даъвогар олдида қарздор бўлиб қолган.

тўғрисида"ги Даъвогар "Қарздорликни тўлаш талабномалари жавобгарга Жавобгар жўнатилган. томонидан даъвогарнинг жавобсиз "Қарздорликни тўлаш тўғрисида"ги талабномалари қолдирилган.

Шунга кўра даъвогар манфаатида Ўзбекистон Савдо-саноат палатаси Жиззах вилоят худудий бошқармаси судга мурожаат қилиб ушбу қарздорлик суммасини ундириб беришни сўраган.

Даъвогар вакилининг маълумотига кўра "КЎЧМА АРИҚ" фермер хўжалиги томонидан бугунги кунда 3.876.982 сўм тўлов амалга оширган ва хозирда унинг (23.381.532–3.876.982=) 19.504.550 сўм қарздорлиги мавжуд.

Ўзбекистон Республикаси Фуқаролик кодексининг 236-моддасига кўра, мажбуриятлар мажбурият шартларига ва қонун ҳужжатлари талабларига мувофиқ, бундай шартлар ва талаблар бўлмаганида эса - иш муомаласи одатларига ёки одатда қўйиладиган бошқа талабларга мувофиқ лозим даражада бажарилиши керак.

Ушбу Кодекснинг 333-моддасига кўра қарздор айби бўлган тақдирда мажбуриятни бажармаганлиги ёки лозим даражада бажармаганлиги учун, агар қонун ҳужжатларида ёки шартномада бошқача тартиб белгиланмаган бўлса, жавоб беради.

Ушбулардан келиб чиқиб ва иш хужжатларини таҳлил қилиб суд даъвогарнинг даъво аризасини қисман қаноатлантиришни, давлат божи ва почта ҳаражатларини жавобгардан ундиришни лозим деб ҳисоблайди.

Юқоридагиларга кўра ҳамда Ўзбекистон Республикаси Фуқаролик кодексининг 236, 333-моддаларини, Ўзбекистон Республикаси Иқтисодий процессуал кодексининг 176-179, 186-моддаларини қўллаб, суд

## қарор қилади:

Даъвогарнинг даъво аризаси қисман қаноатлантирилсин.

Жавобгар "КЎЧМА АРИҚ" фермер хўжалигидан даъвогар "JIZZAX FV AGROKLASTER" масъулияти чекланган жамияти фойдасига 19.504.550 сўм қарздорлик ва тўланган 34.000 сўм почта ҳаражати ундирилсин.

Жавобгар "КЎЧМА АРИҚ" фермер хўжалигидан Республикаси бюджетига 467.631 сўм давлат божи ундирилсин.

**Х**ал қилув қарори қонуний кучга киргач ижро варақалари берилсин.

Хал қилув қарори қабул қилинган пайтдан бошлаб бир ой муддат ўтгач қонуний кучга киради.

Мазкур ҳал қилув қароридан норози тараф бир ой муддат ичида аппеляция тартибида, ҳал қилув қарори қонуний кучга киргандан сўнг эса олти ой ичида касация тартибида Ғаллаорол туманлараро иқтисодий суди орқали Жиззах вилоят суди (иқтисодий ишлар бўйича судлов хайъати)га шикоят (протест) бериши мумкин.

Судья Ш.Қодиров

